

# Judas remimombe'ukwe

## epístola de Judas

*Judas omondo onhe'ẽ kwatia-rehe Nhandejáry  
rembiporavokwe pegwarã*

<sup>1</sup> Xe Judas, Hesu Cristo rembigwái. Tiago ryvy xe. Ahai-ta kwatia-rehe xe nhe'ẽ peẽ-my gwarã. Peẽ Nhandejáry pegwa-ma. Nhandejáry, Nhande Ru pende pe'a-ma va'ekwe ojéupe gwarã. Pende rayhu voi ha'e. Onhangareko porã pende-rehe Hesu Cristo pegwarã. <sup>2</sup> Tapende rovasa katu pende porahuvereko reko hagwã Nhandejáry. Tapene mbopy'agwapy tee katu pende rovasa-vy. Tapende rayhu porãve rãve katu pende rovasa-vy Nhandejáry.

*Penhemokyre'ỹ katu pemonhe'ẽ mbojevy hagwã  
gwĩ Hesu Cristo-rehe omombe'u a'ã a'ã rei va'e-pe*

<sup>3</sup> Xe rembiayhu kwéry are-ma ahaise peẽ-my. Nhandejáry omboyke-ma nhandéhegwi nhane rembiapo vaikwe nhane resende tee hagwã. Xéhegwi omboyke-ma voi va'ekwe xe rembiapo vaikwe. Ha omboyke-ma ave pendéhegwi araka'e pene rembiapo vaikwe. Upéa-rehe are-ma ahaise ramo jepe, ahai va'erãgwe aheja-ta. Xe tuvixa mba'eve va'e ahai-ta. Tekotevẽ apomo'arandu ambue va'e. Ko kwatia-rehe ahai ani hagwã pejere rei anhetegwa jarovia va'ekwe-gwi. Ko kwatia ahai pene mokyre'ỹ hagwã, penhe'ẽ mbojevy jevy hagwã anhetegwa e'ỹ nhe'ẽ. Hesu

Cristo rehegwa tee nhe'ẽ peipy'apyhy va'ekwe. Hesegwa anhetegwa e'ŷ nhe'ẽ pejoko jevy katu.

<sup>4</sup> Oime-ma pene pa'ũ-rupi gwĩ Nhandejáry-rehe ndojeroviái va'e. Porombotavy-vy rei oike nhemi pene pa'ũ-my. "Nhande rekorã Nhandejáry remimbota voi nipo ra'e" peje rei hagwã hemimombe'ukwe-rehe. Ojéhegwí rei omombe'u Nhandejáry remimbota mo'ã. "Nhandejáry nhande rexakwaa rei va'e voi. Opaixagwa jajapo ramo jepe ha'e nhande rexakwaa rei va'erã voi" he'i mo'ã. "Aipo ramo nanhatívéi reheve tajaiko katu nhande rexakwaa reive ive hagwã" he'i mo'ã pene mbotavy rei-vy. Ndogweroviái Nhandejáry Hesu Cristo-pe. "Ha'e anho nhande ruvixa" nde'íry hikwái. Pejoko katu upe onhe'ẽ rei va'e kwéry-pe. Yma va'ekwe Nhandejáry nhe'ẽ kwatia-rehe oĩ va'e he'i hese:

"Hembiapo vai va'erã ohasa asy hagwã-my oho va'erã"  
he'i va'ekwe hese kwéry.

*Myamyrĩ-pe Nhandejáry ogwereco asy ete  
va'ekwe ójehe ndojeroviái-gwi va'ekwe*

<sup>5</sup> Pene rembigwaa-rehe apomomandu'a jevy-ta. Yma va'ekwe Nhandejáry oipe'a myamyrĩ Israel ra'y kwéry Egito yvy-gwi iresende-vy. Ogwerova heraha-vy. Upe rire ohundi tee íxupe kwéry ójehe ndojeroviái va'e kwéry-pe gwemiresendekwe-pe.\*

<sup>6</sup> Apomomandu'a jevy-ta gwĩ yváy pygwakwe-rehe, Nhandejáry rembigwaikwe-rehe. Yváy pygwa voi jepe gweko ypykwe-rupi ndopytaséi va'ekwe hikwái. Oheja rei gweko porã teekwe.

---

\* <sup>1:5</sup> Ex 12.51; Nm 14.29-30

Upéa-rehe Nhandejáry ombogwejy uka-ma va'ekwe íxupe kwéry. Pytū gwy-py isā-rehe onhapytī pytī hereko-vy imbohasa asy-vy íxupe kwéry. Ohundi hagwā áry-rehe oha'arō arō joty okwa-vy. Nhandejáry renonde-py enterovéa omboaty hembiapokwe pokwe-rehe nhande rereko hagwā áry-py ohundipa va'erā íxupe kwéry Nhandejáry.

<sup>7</sup> Apomomandu'a jevy-ta ave gwī tetāgwe ymagware-rehe. Sodoma tetāgwe, Gomorra tetāgwe-rehe ave, gwī tetā ijerekwe rehewa ave-rehe pene mandu'a katu. Myamyrī upe pygwa kwéry hembiapo vai tee va'ekwe hikwái. Nhandejáry rembigwaikwe-rami hembiapo vai hikwái. Teko rei-rupi opaixagwa ivaive ive va'e ojapo va'ekwe hikwái onhemotī e'ŷ-vy. Upéa-rehe Nhandejáry ohundipa ete va'ekwe íxupe kwéry. Tatagwasu-py voi omokanhymba va'ekwe íxupe kwéry. Upéixa ogwereko va'ekwe íxupe kwéry nhane mo'arandu hagwā. Upéa-rehe Nhandejáry oikwaa uka nhande-vy entéro hembiapo vai va'e-pe ha'e ombohasa asy arā tata ogwe e'ŷ va'e-py omondo-vy.\*

<sup>8</sup> Aipo ramo jepe upe pene pa'ũ-my oĩ va'e upéa myamyrī-rami heko rei-rupi ivaive ive oho-vy. "Nhande kéra-py vérampi ahexa nhande rekora" he'i. "Xe kéra-py ojehexa uka kuri xe-vy nhande rekora" he'i okéra pygware omombe'u-vy onhembotavy rei-vy. Ha'e ae ojapose va'e rei ojapo hikwái. Gweko vaiha-rupi okwa-vy. Mburuvixa kwéry pogwy-py ndoikoséi ave hikwái. Onhembo-

---

\* <sup>1:7</sup> Gn 19.1-24

hory ave yváy pygwa-rehe okwa-vy. Nhandejáry rembigwái kwéry-pe ohexa uka gwova asyha onhe'ẽ rei rei-vy. <sup>9</sup> Nhandejáry rembigwái ruvixa Miguel ae ndaha'éi ha'eixagwa. Yváy pygwa tee jepe ojoko hagwā anhaygwasu-pe nonhe'ẽ asýi joty íxupe. Onhonhe'ẽ mbojevy jevy jepe araka'e anhaygwasu ndive nonhe'ẽ asýi joty íxupe. Onhemooakate'ỹ joty mokõive Moisés amyrĩ retekwe-rehe. Miguel ndohejái anhaygwasu ogweraha hetekwe. Onhonhe'ẽ mbojevy jepe nonhe'ẽ asýi joty anhaygwasu-pe. “Nde ko ne rembiapo vai” nde'íry joty íxupe. “Tande joko katu Tupã Nhandejáry” he'i ae joty íxupe ijoko-vy.\*

<sup>10</sup> Upe Nhandejáry nhe'ẽ omombe'u ra'anga anga rei va'e Miguel arandu-rami e'ỹ voi inharandu. Gwembigwaa e'ỹ-rehe onhe'ẽ vai vai rei. Mymba ka'agwy rupigwa-rami mante oikwaa gwete-rehe. Ha ha'e kwéry oikwaaha-rupi ae oiko-gwi ae onhehundipa rei va'erã. <sup>11</sup> Ohasa asy va'erã. Caim amyrĩ rapekwe-rupi ogwata Nhandejáry remimbota apo e'ỹ-vy. Balaão amyrĩ rapekwe-rupi jevy oiko. Opirapirerã-rehe rei ae omombe'u. Hemimombe'ukwe katu ndaha'éiry voi Nhandejáry rehewa nhe'ẽ. Coré amyrĩ rapekwe-rupi jevy oiko. Hembiaapo vai oiko-vy. Yma araka'e Coré onhemoirũ uka heta va'e kwéry-pe ojoko uka hagwā mburuvixagwasu-pe, Nhandejáry remimoĩ va'e-pe. Coré rapekwe-rupi ohasa asy ave arã pene mbo'eha ra'anga kwéry.\*

<sup>12</sup> Peẽ Nhandejáry reroviah pejohayhu-gwi penhomboaty meme karugwasu haty-py. Upe

---

\* **1:9** Dt 34.6; Zc 3.2    \* **1:11** Gn 4.3-8; Nm 16.1-35

java Nhandejáry nhe'ẽ omombe'u ra'angaha ave ou. Ojapo vai rei hagwā ou. Ijayvupa rei okwavy. Notī kwaái. Ndaheko porāi peē-my. Pende rerekoha ramo mo'ã oikose. Ha'e kwéry ae rei onhemohygwyatā. Ita y gwy-py oĩ va'e-rami nhane kanóá ojoka-ta va'e-rami voi pene ra'arō hikwái. Yvytu arai-pe omosarambipaha-rami voi ha'e kwéry naiporāi voi peē-my. Yvyra hi'aha óra jepe ndahi'airy va'e-rami, ha'e kwéry naiporāi peē-my. Ndaheko porāi voi peē-my. Yvyra yvygwy-gwi ohekýí va'e-rami hikwái. Omano tee-ma va'e-rami ave hikwái. <sup>13</sup> Ygwasu hatā omýí omboaty gwyjuikwe ohexa uka hagwā oky'akwe. Upéixa ave ha'e kwéry ohexa uka gwekoha ky'akwe hikwái. Gwembiapo vaise-vy ndogwapýí oikovy enterove-pe ohexa uka hagwā gweko ky'akwe. Gwendagwe-gwi oripara rei oho-vy jasytata pytū ha-rupi rei okanhy kanhy oho-vy. Upéixa ave pene mbo'e ra'angaha. Hesu Cristo rape-gwi oripara rei oho-vy. Ndohesapéi avave-pe tape porārā. Æy katu pytū-my rei oiko. Nhandejáry ombohasa asy va'erā íxupe kwéry hembiapo vaikwe-rehe.

<sup>14</sup> Yma gware Nhandejáry réry-py Enoque amyrī omotenonde pende reko mbo'e vaiharā rekoharā-rehe. Adão amyrī remiarirō joapyri pyri remiarirōkwe jevy oiko va'ekwe Enoque amyrī. Ha'e omotenonde pende reko mbo'e vaiharā rekoharā-rehe.

“Nhandejáry ou va'erā” he'i. “Heta gwembigwái imarangatu va'e yváy pygwa kwéry ndive ou va'erā” he'i.\* <sup>15</sup> “Imonhe'ẽ uka-vy

---

\* <sup>1:14</sup> Gn 5.21-24

hembiapokwe-rehe ou va'erā Nhandejáry. Hembiapo vaikwe-rehe ombohasa asy va'erā ave" he'i. "Hekoha vai va'ekwe-rehe ombohasa asy va'erā. Ojéupe omboete e'ŷ hagwe-rehe ombohasa asy ave va'erā. Ójehe onhe'ẽ pohýi hagwe-rehe Nhandejáry ombohasa asy ave va'erā íxupe kwéry" he'i va'ekwe Enoque amyrī kwatia-rehe ohai-vy. Upéa ohai ramo pende reko mbo'e vaiharā-rehe omotenonde-ma imombe'u-vy.

**16** Mba'éixa po ra'e ha'e kwéry hekoha? Perepara porā katu hekoha-rehe. Onhe'ẽ rei rei oiko-vy ambue kwéry-rehe. Onhomymyi rei rei. Mba'eve-rehe voi ha'e ndovy'airy. Gwembiapo vaise mante ojapose oiko-vy. Ha'e ae onhe'ẽ-rupi onhembotuvixase mo'ã oiko-vy. Onhembojuruhe'ẽ ete íxupe kwéry oiko-vy ome'ẽ uka hagwā ojéupe gwarā. Upéixa voi pene mbo'e ra'anga va'e.\*

*Pende resa pemondo katu Nhandejáry Hesu Cristo ou jevy hagwā áry-rehe peha'arō porā hagwā íxupe*

**17** Peẽ, xe rembiayhu kwéry, pene mandu'a katu Nhandejáry Hesu Cristo remimondo tee remimombe'ukwe-rehe. **18** Kóixa he'i va'ekwe peẽ-my:

"Ogwahē-tama yvy opa hagwā áry. Upe jave ogwahē va'erā ou-vy gwī Nhandejáry reroviaharehe onhembohory va'e. Nomboetéi va'erā Nhandejáry-pe. Gweko vai-rupi ae oiko va'erā" he'i va'ekwe pene mo'arandu-vy.

---

\* **1:16** 2 Pe 2.1-18

**19** Ha ko'ánga katu perepara pene mbo'e ra'angaha reko-rehe. Gwemimombe'u ambue mbue-rupi omboheko joavypa Hesu Cristo reroviaha kwéry-pe. Teko rei-rupi inharandu. Ndogwerekói Nhe'ẽ Marangatu tee va'e inharandurã ome'ẽ hagwã.

**20** Peẽ ae katu, xe rembiayhu kwéry, penhem'o'aranduve nduve katu peiko-vy. Hesu Cristo heko marangatu tee va'e-rehe pejerovia-gwi peẽ ave pende reko marangatu hagwã katu peiko-vy. Oĩ pende py'a-py Nhe'ẽ Marangatu tee va'e. Ipu'aka-rupi pembojeupive pive katu Nhandejáry-pe pene nhe'ẽ. **21** Nhandejáry nhande rayhuha-rehe pene mandu'a meme katu inhe'ẽ pejapo meme hagwã. Pende resa pemondo katu Nhandejáry Hesu Cristo-rehe. Ha'e nhande poriahuverekó va'e. Nhane mogwahẽ porã va'erã gwenda-py jaiko hagwã opa e'ŷ reheve onhondive. Nhande rekove opa e'ŷ va'erã-rehe peha'arõ porã katu.

**22** Gwĩ Hesu Cristo-rehe ojerovia ku'a ku'a va'e-pe, gwĩ ipy'a mokõi-rupi oiko va'e-pe, pemo'arandu porã katu ojerovia porã hagwã hese. **23** Peresende uka katu íxupe kwéry, gwĩ tata-py ho'a-tama va'e-ramipe peresende uka ani hagwã Nhandejáry ombohasa asy tee íxupe kwéry tata ogwe e'ŷ va'e-py. Peiporiahuverekó rei katu gwĩ teko vai-rupi oiko va'e-pe, gwĩ notĩ kwaái va'e-pe. Oĩ ramo tetekwe ine va'e, ijao-rehe ave inegwe ohasapa. Xáke upéa-gwi. Ani erenhemong'y'a uka teĩ íxupe. Pene mbohekoha vai va'erã. Tapende kyhyje katu íxugwi pemoirũ hagwã íxupe.

Hembiapo vai va'e-pe ae peiporahuvereko rei íxupe peipytygwō-vy.

*Judas omomba'egwasu Nhandejáry-pe imboete-vy*

*(1 Co 1.8; 10.13; Ef 3.20-21; 1 Tm 1.17)*

<sup>24</sup> Nhandejáry ipu'aka tee va'e. Onhangareko porā nhande-rehe ani hagwā jaiko jajejavy reheve. Nhane mogwahē va'erā onhemomba'egwasu ete ha-py nhande py'a potī marangatu reheve. Javy'a ete va'erā indive jaiko ramo. <sup>25</sup> Nhandejáry mante Tupā tee. Ha'e anho nhane mopotī tee va'e nhane resendehaty. Nhandejáry Hesu Cristo omano va'ekwe omboyke hagwā nhandéhegwi nhane reko jejavy ky'akwe. Upéa-rehe tanhamomba'egwasu ete katu Nhandejáry-pe. Ha'e anho Tupāgwasu tee onhembotuvixa mba'e tee va'e. Ha'e anho nhande Ruvixa tee voi. Ipogwy-py enterove oiko va'e. Inhe'ẽ-py enterove toiko. Upéixa omomba'egwasu va'ekwe nhande ypy oiko e'ŷ mboyve. Omboete hagwe-rami ãy peve joty tomomba'egwasu íxupe. Ha opa e'ŷ reheve upéixa-ma tomomba'egwasu ave Nhandejáry-pe. Amém.

## Nhandejáry Nhe'ẽ New Testament in Kaiwá (BR:kgk:Kaiwá)

copyright © 2006 Wycliffe Bible Translators, Inc.

Language: Kaiwá

Translation by: Wycliffe Bible Translators, Inc.

### Copyright Information

© 2006, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### The New Testament

in Kaiwá

© 2006, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

**x**

PDF generated using Haiola and XeLaTeX on 11 Nov 2022 from source files  
dated 29 Jan 2022  
7ba4d793-0e4f-5efd-8f91-509f2a6d9f6a